

清王彥威○纂輯 王亮○編 王敬立○校

清季外交史料

7



國家圖書館出版社

第七冊目錄

清宣統朝外交史料

卷十九		一
卷二十		二九
卷二十一		五六
卷二十二		八四
卷二十三		一一一
卷二十四		一三八

第七冊目錄

一

西巡大事記

卷首		一六五
卷一		一八四
卷二		二一三
卷三		二四〇
卷四		二六四
卷五		二八六
卷六		三〇八
卷七		三四〇
卷八		三六四

卷九		三九三
----	-------	-----

卷十		四二二
----	-------	-----

卷十一		四四八
-----	-------	-----

第七冊目錄

二

清宣統朝外交史料卷十九 宣統二年十二月下至三年三月上

目錄

滇督李經羲致樞垣英佔片馬擬督軍備戰誓以身殉乞示電 二年

十二月二十五日

軍機處致李經羲滇緬界事已詰英使希遵旨規畫計出萬全電 二

十七日

外部致劉玉麟英兵確抵片馬希商退兵再議界務電 二十八日

外部致英使朱邇典僱用民船往來湘河有礙釐捐請毋庸再議節

略二十九日

東督錫良咨外部安奉鐵路購地事竣呈送總圖文 二十九日

清宣統外交史料卷一九目錄一

外部致粵督增祺桂撫張鳴岐美教士在北流傳教希照約保護電

三年正月初十日

外部致張人駿和屬回國學生如和領請向彼註冊可照駁電 十八

使日汪大燮致外部奉吉韓僑事小村已電日領調查電 二十日

江督張人駿致外部和蘭華僑歸國應作爲華人電 二十一日

使俄薩蔭圖致外部俄開商約六款請示對付宗旨電 二十一日

使日汪大燮致外部聞俄調兵赴伊犁英議有事演邊諸宜直接交

涉電 二十一日

使英劉玉麟致外部繕送英外部面交滇緬界案節略函 附節略二十

外部致汪大燮中俄懸案本持認真商定之旨電 二十一日

外部機要股呈堂憲據辛博悌報告長春日人處處侵佔甚屬可危 電二十八日

稅務處等奏議覆增祺奏香洲自關商埠請暫准作爲無稅口岸摺 三十日

外部致錫良周樹模奉旨派周樹模充會勘中俄邊界大臣電 三十

外部致各督撫英人進兵片馬事報傳失實請解釋電 二月初一日

吉撫陳昭常致外部韓民到彈春營業者如有詞訟應各照自國法

律辦理電 初一日

黑撫周樹模致外部奉旨會勘中俄邊界當妥慎辦理電 初三日

黑撫周樹模致外部勘界俄員難以理喻應否暫緩立案電 初四日

清宣統外交史料卷一九目錄二

駐澳洲唐領事呈外部承參日委員來澳謂滿洲招墾實屬謬妄函

初五日

外部司員富士英管尙平呈外部承參查報塔城中俄通商利弊稟

附清摺二件 十三日

東督錫良致外部勘界事俄派全權大員與體制不符電 十三日

外部致烏里雅蘇臺將軍畢桂芳請派員會查俄人焚燬牌博證據

電 十四日

外部致錫良周樹模勘界事希飭按圖確指地名約俄員會勘電 十

四日

英署使麻致外部請展行洋商在長岳等處僱用民船之長江通商

章程照會十四日

使俄薩蔭圖咨外部譯送中俄邊界地圖文十四日

黑撫周樹模致外部勘界事俄員狡執驕橫請勿庸在界立案函十

七日

署庫倫辦事大臣三多致樞垣蒙地首在路權請飭派工師勘路並

調軍隊扼要分布電十九日

郵外度三部會奏京漢鐵路需還官款擬訂正金銀行借款一千萬

元合同摺附上論暨合同二十三

外部覆俄使廓黑龍江右岸檢驗所應歸中國自辦照會二十三

東督錫良致外部奉省日人遇事干涉鎗斃民人請主持電二十四

清宣統外交史料卷一九目錄三

外部致薩摩島領事林潤釗薩島招工能否刪除苛例即覆電二十

黑撫周樹模致外部請商俄使飭俄員會勘塔奔托羅海界址電二

十六日

東督錫良致外部日遣韓人入境調查韓僑請催日使安定辦法電

二十八日

外部致錫良聞日本運兵械往朝鮮似係假道赴奉希查覆電二十

東督錫良致外部日本運兵探係駐滿韓各師團期滿換防電二十

外部致新撫聯魁中外結婚並無不准明文希妥辦電三月初一日

使美張蔭棠致外部報秘外部送華人入境新例已駁辯電初三日

使俄薩蔭圖致外部俄外部搜集烏梁海憑據欲為辯論地步電初

四日

外部致俄使廓松花江各關發還逾額稅之期擬准俄商另展限一

月照會初五日

郵部等奏擬訂大東大北兩電報公司預付報費合同摺初八

外部致張人駿各國商人被控有無觀審成例希覆電初十日

法使馬致外部左丞高而謙譯送越督來函電附節略初十日

吉撫陳昭常奏招商附股籌辦圖們江航路以固國防而興商業摺

初十日

黑撫周樹模致外部勘界俄員種種狡執擬隨時請示電十三

外部右丞施肇基致外部顏股長報赴奉調查日警肇事情形電十

清宣統外交史料卷一九目錄四

三日

滇督李經羲咨外部滇越鐵路公司阻撓蒙自壁虱寨海關管轄火

車貨物權請商法使照章辦理文附節略十四日

外部致錫良日使云奉天中日衝突各案願就地處理電二十

鎮江關道林景賢呈外部日領請發桐木聯單乞拒駁電二十二

東督錫良致外部中日衝突各案請告日領勿偏執電二十六

清宣統朝外交史料卷十九

黃巖殺夫王彥威輯

男希隱亮編

孫孝章敬立校

滇督李經羲致樞垣英佔片馬擬督軍備戰誓以身殉

乞示電

界務肇釁急迫情形十八日已電請代奏日來迭接邊報英兵設卡築壘徑興工役節節布置不獨立意久佔駸駸有沿界進成麗維之舉邊民夷衆風鶴驚惶益以憤激尤慮外侮內訌相因而起經義嚴飭沿邊文武設法鎮撫靜聽主張如有奸人生事即行嚴懲目前儘力鎮壓尙

清宣統朝外交史料卷十九

一

可無事滇人固乏能力而仇外最烈若緬兵日久不退籌備一無方略土司解體紳民怨恫欲弭內變亦頗費手目前英使照覆外部並無派兵過界之舉意狡而詐若不承認屢以派兵詢詰英領英領推宕不覆固屬不肯先洩亦若有應難出口者可知強硬施爲未始不自知其悖滇約小江爲暫守之界緬未明拒滇約緬兵不得過嶺滇不派兵先駐片馬原爲守盟杜釁乃彼於中國土司治理地方滇尙守約不遽駐兵緬獨公然佔之又不知照即謂片馬在彼指定界內究係執而未定之界又有中國治理證據充此而行何處不可強佔彼恒以公理制人文明自詡而先肆強權如此質諸列國當有公評此時先請退兵而後妥議中國所持理正當先力爭惟印緬政府既以兵佔冀遂要求空請

清宣統朝外交史料卷十九

二

退兵未必聽允中國既不能遂彼極端目的徒請退兵別無一策勢必待有解決乃准退兵允之則墮術中國體何存效尤可慮不允坐聽彼必日展兵力沿嶺步步設成爲自行收界之計滇人能日久忍受不起變端中國能到底退讓承此恥辱乎似宜分三層辦法以重交涉先請退兵仍如部議由劉使向英政府解決各派大臣重勘雖終須酌量喫虧事寬則圓可免決裂萬一此議不行應另有二策一預行布告各國聲明其曲在彼用兵在先若兩國巡兵於未定之界因衝突而互有傷損中政府不任肇釁之咎即隱爲將來交會公斷地步二朝廷決定宗旨預籌邊備就滇緬一面戰局而論我專取守勢但能准調兵將爲援寬籌餉械以濟雖無優勝把握或可勉強相持趕緊經營三四月先堵

麗維然後派兵上界彼不相迫則兩抵阻其進步彼只能佔片馬前後一隅要挾之計不行則自定國界目的即不能達可以徐俟調停另圖收束萬一相迫則戰由彼成業經公布在先收局當不至離譜無論戰否先作戰備國家多費歲一二百萬餉需影響中挽回不小較之束手默許愈退愈覺不堪近則法人長智遠則失邊心利害兩權一籌略勝經義明知國步艱難苟經挫失滇力尤薄一無可恃倉猝而謀邊備窘困多而把握少而經義仍責此言者實處於萬不得已勢不可以坐誤竊料英緬姑挾一策而轆兩端果我以進抵之功陰行勉讓似不至大爲決裂全無收拾袁世凱有術能兵若能出而蒞滇抗難魄力必勝經義十倍此經義爲大局謀者倘朝廷以經義責在守土才雖庸劣分應

捐糜則經義避賢乞謹於平時決不忍畏難惜死於此日籌略既定後路有託即當出駐永騰親督三軍誓以身殉決無退縮經義躬當其厄憂憤懷忱不敢不瀆事關重大惟賴宸謀毅斷訓示遵行乞代奏請旨李經羲謹叩二年十二月二十五日片馬界務檔

軍機處致李經羲演緬界事已詰英使希遵旨規畫計

出萬全電

申二十七日電奏已進呈二十五日電悉演界事執事慮近圖遠意在籌防備戰而不遽用兵固係就演言演但所謂知我有備界事稍鬆如係勢均力敵尚可據此立論現在我國情形彼所洞悉若聲言設備轉恐彼藉爲迎戰之據不獨患中一隅並將牽動全局以執事公忠體國

清宣統朝外交史料卷十九 三

明察時勢諒必熟計及此又聞尊處電達他省有請旨備戰設法援救之語現在人心浮動萬一消息流傳內訌外侮因之而起後患何可勝言時局至此全賴內外協籌勉支艱鉅仍希遵照上次諭旨妥慎規畫計出萬全至電奏內所稱英使照覆外部並無派兵越界之舉查該使原照乃謂不越彼所執分水嶺脊之界英領與英使同一推宕用意固屬狡詐但非自認理屈現外部已照詰該使並電劉使先商退兵尚未得覆其界線情形仍望詳酌電部以備因應樞十二月二十七日片馬界務檔

外部致劉玉麟英兵確抵片馬希商退兵再議界務電

申二十七日電悉迭准滇督電稱英兵二千名馬二千餘匹有工程輜重各隊直抵片馬事已的確等語是此時重在退兵本部業經照會英

使惟彼必轉報政府周折需時仍應由執事直接切商先行電飭退兵務期得其確實意旨至界務問題將來在英在京商議均無不可切盼電覆外務部十二月二十八日片馬界務檔

外部致英使朱邁典僱用民船往來湘河有礙釐捐請

勿庸再議節略

洋商僱用民船往來湘河一事本月初三日接准節略以本部五月十七日所允將此問題與署總稅務司會商之處並未踐言應復請與安總稅務司再行會商又以僱用民船爲長江各口岸所准行尙未推廣於岳州長沙雖有試辦章程准由長沙至岳州於水淺時僱用民船頗令貿易有所未便在岳轉輪非特有所耽延且水腳用費甚多况梧州

清宣統朝外交史料卷十九 四

開通商口岸時僱用民船章程已推行於西江與現在欲推行長沙之故情事相同長江章程若能展行則長沙之地步對於洋貨能滿享條約所應得之利益若未允准該口岸之貿易永受其累等因查此事迭經文牘往返本部因係事隸海關故均轉咨稅務處酌核總稅務司即係稅務處所用之員自必遇事與總稅務司相商前次稅務處咨覆本部謂美商美孚行自備船隻裝載煤油用小輪拖帶由漢口至岳州長沙江漢關稅務司曾奉總稅務司命令所用船隻須係洋式而有外國旗幟方准拖帶云此即是總稅務司未允洋商僱用民船往來湘河之證據今縱再與總稅務司商酌該總稅務司豈能自變其說至此項僱用民船章程其範圍照約係不過長江如欲推廣必須由彼此商允而

行不能因曾經推行於某處遂可要求推行於其他各處湘河之不准用此章程非由於本部之堅持亦非出自稅務處之臆斷實因該省督撫以爲此章程若推行於湘河該處釐捐大有妨礙照長江章程此項僱用民船祇准裝載實係洋商自置之貨由此口赴彼口原與釐捐無涉惟民船因此藉洋旗以偷漏釐金此種弊端在長江已成習慣故地方官吏必不願此事復推及湘河來文所謂在岳轉輪耽延水脚用費較多此不過爲一二洋商稍有未便耳苟允如所請其利便於洋商者甚微而損失於地方釐捐者甚鉅何能照允即謂爲長沙口岸貿易發達起見該口岸平時輪船既可直達冬季水淺又有試辦章程准用民船轉運於洋貨享條約所應得之益自無缺欠應請無庸再議可也

清宣統朝外交史料卷十九 五

二月二十九日航務檔

東督錫良咨外部安奉鐵路購地事竣呈送總圖文

爲咨呈事案照安奉鐵路需用地畝前與日人磋商之圖說章程及地積表等業經先後咨呈鈞部查核旋於本年三月間准郵傳部電覆並咨開據情商准鈞部覆稱車站用地既經日本購地局聲明爲鐵路所必需決非供商業市街等設置之用自可照准等因當飭交涉司轉行購地局並安奉鐵路查察經理員分別實地勘查陸續發價各在案茲全線購地事宜業經告竣所有圖表已分別核繪清楚理合將總圖十捲表件四紙一併備文咨呈鈞部查核備案再查原議車站二十六站當因日人在安東經營六道溝地方不遺餘力沿路市面所關不得不

爲商民籌交通之便體察情形將用地略加增減飭添劉家河及孟家堡兩處車站與前送地積表稍有不符合合併陳明

十二月二十九日安奉鐵路檔

外部致粵督增祺桂撫張鳴岐美教士在北流傳教希

照約保護電

洪美教士在北流傳教事咨悉已照會美使茲准照覆美教士在華傳教爲條約所准無須部發專照北流縣所辦各情實屬違約請飭勿得阻礙致傷兩國友誼等因查此事該使堅以條約爲言近來美教士赴各省皆不請發傳教專照北流係屬內地未便援照邊遠荒僻處所成案如查明該處無實在危險情形似應聽其前往照約保護希轉飭遵照辦理並電覆外務部蒸三年正月初十日教務檔

清宣統朝外交史料卷十九 六

外部致張人駿和屬回國學生如和領請向彼註冊可

照駁電

上年五月准來咨以和蘭總領事函請上海蔡前道飭知南京暨南學堂凡自和屬回國之學生須向該領署報名註冊等因查和律凡離國之人例應於每年首三個月內向其領署報名註冊現已屆西歷二月難保駐滬和領不再有此舉動應預飭滬道告以中國國籍律第一章第一第二兩條及施行細則第七條凡中國人所生子女皆爲中國人民況業經回華之人更應照中律處理如和領或他領有請飭向彼註冊者即可照此駁拒以免干涉而固主權希查照轉飭遵辦外務部正月十八日華僑檔

使日汪大燮致外部奉吉韓僑事小村已電日領調查電

申密奉吉韓僑一事客臘小村甫電該處日領調查茲云地面遼闊需時孔長俟研究得有妥善辦法即與貴政府和衷商議未經協定以前一切請照舊辦理總期相安無他意云變留正月二十日韓僑僑

江督張人駿致外部和蘭華僑歸國應作為華人電

十八日電敬悉和蘭華僑歸國自應作為華人已遵飭滬道照辦並行知寧蘇兩學司交涉司查照矣人駿號正月二十一日華僑僑

使俄薩蔭圖致外部俄開商約六款請示對付宗旨電

俄密嘯效電計達報載俄開六款俱關商約不俟開議藉端先發許之

清宣統朝外交史料卷十九 七

則議約時我所應爭之權利彼幾一網打盡不許則彼沿邊調兵較速難保無佔地之虞此間朝野議論頗激去冬八十一八十六號函中所侃陳彼竟出此竊以如彼允將各款歸入商約提前開議固善否則熟權利害總以和平商結為宜大部對付宗旨可否密示薩號正月二十一日商約僑

使日汪大燮致外部聞俄調兵赴伊犁英議有事滇邊

諸宜直接交涉電

隆密聞俄調兵赴伊犁頗確奧瑞使俱以詢按俄政府意見素歧今外部直是與戶兵一致尤懼武人政策非昔比約外要求當拒則拒論者謂有關成約事早圖結束庶免意外枝節又聞英議踵其後有事滇邊萬祈注意諸宜直接勿託他人緩頰近情可否密示變留正月二十一日防務

使英劉玉麟致外部譯送英外部面交滇緬界案節略

函附節略

上年十二月二十七日寄英字第六號函計達典籤二十八日接部電祇承一是弟於正月初一日晤外部業將詰問情形於初二日電達冰案茲譯送英外部面交節略諸覽滇緬界案英政府已有得寸進尺之勢其節略措詞幾視恩買卡一段為彼所屬之地冀乘機佔領並稱賠償土司貢稅應示憑據尤為無理應如何據理直爭務祈鈞部指示機宜毋任企禱正月二十一日片馬界務僑

附英外部大臣面交滇緬界案節略

按照一千八百九十四年及一千八百九十七年條約滇緬邊界除

清宣統朝外交史料卷十九 八

(甲)南汀至那拉一段及(乙)恩買卡一段外其萬難達以北者均已劃清

恩買卡一段即本月二十四日中國公使來函所爭論者英政府前以中政府遷延作難故於一千九百零六年照會中政府謂厄勒瓦諦江與希為黎河間之分水嶺以西中國若不實行治理之權則英政府即認為兩國土地在北緯二十五度三十五分以北之希為黎河源以上者以分水嶺為界自此直至西藏則循厄勒瓦諦江與三爾溫河中間之分水嶺脊為界英政府並代印度政府允償還登壇明光兩土司所失在該界線以西所有之各村落向例進貢之稅物若中國再不允則令緬甸政府不俟磋商即將該地土佔領治理

經此照會然中國官吏於一千九百零六年以來侵犯英國政府所指之邊界不止一次近登壤土司又剽掠分水嶺西之一村落致英政府不得不以此時爲實行一千九百零六年警告之時

今者不過實行一千九百零六年所預告之辦法故遣一文官前往並帶護兵自衛因此情形英政府已飭北京駐使照覆中政府如下所爭之地曾於一千九百零五年由烈領事與石道臺會勘英政府並未查出有與照會中政府之意見前後相異者故一千九百零六年薩使又於照會中重申此意乃中政府四年以來除擾覆勘已勘之地外別無辦法故英政府即實行薩使一千九百零六年之預告已遣兵至片馬嗣今以後分水嶺以西之土地可保平安治理矣

清宣統朝外交史料卷十九 九

英政府以爲中政府若不以此舉爲然則應由中國指出理由以辯是非至分水嶺以西各村落之賦稅應當如何賠償中政府示以憑據英政府願在北京閱驗西歷一千九百十一年正月三十號

外部致汪大燮中俄懸案本持認真商定之旨電

本多代使奉其政府命令交來節略內稱聞俄使以中俄懸案解決辦法照會中國政府又聞俄政府決意貫徹主張中國政府如不以應允者速允不應遽允者即協商安定恐兩國間發生危機日本政府深望迅速設法定局等語希密向小村致謝關切之意並告以中俄懸案應允速允不應允認真商定中國本持此宗旨已照覆俄使以期共保和平再准二十一日電具悉英進兵片馬正與磋商界務解決辦法總望

安結餘詳另電外務部正月二十一日防務稿

外部機要股呈堂憲據辛博梯報告長春日人處處侵

佔甚屬可危電

機要股譯呈辛博梯報告稱現時長春情形甚屬可危滿洲境內必將釀成亂事本日城門關閉非持有道臺所發專照不能出入凡附近鐵路產糧之區各城情形亦係如此再日本鐵路界內不准車馬往來凡各道路均有鐵路巡警把守現在各處貿易停歇內地土貨不克運來因無處尋覓車輛且各車輛亦皆不願由各村轉運糧食也約計鄉間尚有豆麥五十萬噸須用本地車輛運往各車站惟現時一律停運若再耽延四五十日則道路泥濘重貨更難以轉運矣照此情形居民必

清宣統朝外交史料卷十九 一〇

將起而爲亂以抵抗政府果爾則政府之力或不足以靖亂日本必即佔據此地平定亂民滿洲之南境日本將長據不去矣然後一切穀糧必皆由治理此地之政府用賤價購買凡歐洲購糧出口者均受其害查日本防疫會認定該會所訂防疫辦法爲必不可少之舉此次東督所爲必係順從該會之意或者長春地方政府所設之出貨廠亦與有力焉按設立出貨廠之本意凡賣糧及購糧者均可到此交易毋庸經過中國糧行之手惟自開辦至今並無成效原洋商或派人至內地購買或由所用買辦與相識之糧行商購至於種糧之人則皆願與各行交易無論華官所見若何若遇亂事日人必趁機佔據地方則滿洲商務外人不得與聞矣日本政府及商人必願盡得滿洲之出口商務然

亦深知若准洋商任便購買則其所願者萬不能成是以迫令華官將一切事宜改歸官辦雖明知如此必致激生事端然事出之後日本即可託言敦睦誼出而代爲治理華官自以爲對於我居民可以令出必行若至亂起之後始知日人藉此進步難以逐出則悔之未免過晚矣正月二十八日東三省檄

稅務處等奏議覆增祺奏香洲自開商埠請暫准作爲

無稅口岸摺

稅務處外務部度支部農工商部等奏爲遵旨會議恭摺覆陳仰祈聖鑒事廣州將軍兼署兩廣總督增祺奏香洲自開商埠懇定爲無稅口岸以興商業而順輿情一摺宣統二年十二月十七日奉硃批該衙門

清宣統朝外交史料卷十九 一

議奏欽此欽遵由軍機處鈔交前來原奏內稱廣東香山縣職商等集資在縣屬香洲地方創辦新埠先經前督臣張人駿於宣統元年三月間將大概情形奏明在案並電致外務部農工商部稅務處請將該埠作爲無稅口岸旋准電覆以事屬創行須如何辦理方無礙內地稅釐足防流弊飭由總稅司於粵關稅司選派幹員會同查勘酌擬辦法再行核定嗣據委九龍關稅司查覆大致謂商埠之興衰全恃地勢之得宜與否非關於有稅無稅祇可作爲自開口岸若作無稅商埠慮與他處辦法歧異徒開漏稅之門復經前護督臣胡湘林前署督臣袁樹勳先後將該稅司申呈及稟函檄行廣東勸業道會同布政司粵海關稅務處悉心核議並經該司道等督飭廳縣召集該職商等切實勘查廣

徵輿論推究利弊僉謂振興埠務保護商業招徠華僑挽回溢利非先明定該埠爲無稅口岸不足以資提倡而樹風聲該稅司以商埠之盛衰爲與稅則之有無毫無關繫者體察情形殆非篤論香洲東與香港對峙北據澳門上游同是貿易商場人則一切自由我則動多東縛優勝劣敗相形見絀不能不亟圖挽救該埠倘定爲無稅口岸一經宣示風聲所播國中鉅賈競出其途海外僑商雲集內向興盛之機正未有艾至慮及粵省稅關久受港澳及廣州灣之影響已屬防不勝防益以香埠不啻又開一漏稅之門殊不知港澳廣灣顯分國界格於情勢稽察較難香洲乃自開之埠操縱本可自由如照拱北關辦法建設分廠於往來必經之處嚴緝走私力杜偷漏自不至有礙稅釐且所謂免稅

清宣統朝外交史料卷十九 二

者亦非全無限制譬如內地生貨運至香洲製成熟貨運輸出洋祇完內地生貨之稅毋庸再完出口熟貨之稅外洋生貨運至香洲製成熟貨銷售內地祇完內地熟貨之稅不必先完進口生貨之稅所有內地海關釐廠仍照章完納與港澳事體相同於餉課不虞虧短洵屬有益於商無損於國節據紳商呈請核與該司道等前後稟詳各案情節相符仰懇天恩俯准將香洲新埠特定爲無稅口岸敕下外務部農工商部稅務處先行核明立案再由該稅務司另訂免稅專章及詳籌防備手續咨商辦理務臻妥協等語並准該督照錄全案分咨備核前來臣等查香洲自開商埠在紳商原欲藉挽利權而作爲無稅口岸在國家實屬出於創舉固宜詳審利弊方可決定施行稅務司之不以免稅爲

然者自係爲重視稅課慎防流弊起見惟該紳商等既再三呈懇復經歷任督臣迭次飭屬查勘廣徵輿論僉以免稅爲要鍵非是則不足以興商業而順輿情蓋因該埠毗連香港澳門皆是無稅口岸倘有異同相形見絀則該埠之經營不免擲鉅資於虛耗自應體察實在情形酌予特別辦法擬請恩准香洲自關商埠暫作爲無稅口岸其免稅之範圍及如何嚴防走私之處應由稅務處飭行總稅務司督飭粵關稅務司妥訂章程並參照拱北九龍兩關辦法擇要設立關卡該埠紳商亦應協助一切俾關員便於稽徵庶較之港澳爲易辦不致多開一漏稅之門以後他處如有商民自關商埠者情勢各有不同概不得援以爲例又查咨送案卷內九龍關稅司稟函深以香洲一埠擇地未能合宜

清宣統朝外交史料卷十九 一三

爲言其最要者爲該處水淺外洋大輪不能駛近口岸該稅務司謂商埠之興衰視地勢之宜否非關於有稅無稅蓋即指此應由兩廣總督諭飭該埠紳商亟宜設法濬深港口以期商務發達未可但求免稅之優例而不思及自治之要圖所有臣等會議緣由理合恭摺覆陳伏乞皇上聖鑒訓示再此摺係稅務處主稿會同外務部度支部農工商部辦理合併陳明謹奏宣統三年正月三十日奉旨依議欽此

商埠模

外部致錫良周樹模奉旨派周樹模充會勘中俄邊界

大臣電

敬電悉額爾古納河勘界案本部已與俄使商定各派大員就近會同核定於本日具奏奉硃批著派周樹模充會勘中俄邊界大臣欽此希

查照欽遵應在何地會議俟與俄使訂明再達外務部

正月三十日中俄界務

外部致各督撫英人進兵片馬事報傳失實請解釋電

申近俄國因西北中俄懸案照會本部措詞頗激業已依據別條約分照覆彼尙受商英人進兵片馬因促界務解決現正與滇督協籌切實辦法外間報紙喧騰言多失實頃風聞日本留學生開會集款電各省諮議局練國民軍辦自治會並電歐美留學會似此舉動深恐搖惑人心牽動全局希即設法解釋謠言嚴密防範勿任釀成事端是爲至要外務部二月初一日片馬界務

吉撫陳昭常致外部韓民到琿春營業者如有詞訟應各照自國法律辦理電

清宣統朝外交史料卷十九 一四

申據陶道電據梅承電稱日本副領大賀派坂東來廳云現在日韓早已合邦如係向在中國地方之越墾韓民暫時未奉政府命令仍由中國審判所有朝鮮人新到琿春營業者如有詞訟應由領事審判等語應如何答覆請示前來除電飭該承以日韓合邦事勢雖已如此但新來琿春通商朝鮮人於國際上是否與日本商人享同等利益未奉外部明示彼此未便交涉飭即答覆外嗣後琿春對於朝鮮商人究竟應如何處置候示飭遵等語茲已電飭該道按照三十四年七月中韓界務條款第四款辦理並將鈞部與日使協議未載入條款而爲日使認可各語亦經電告並飭令查明新到韓民分別農商勿使朦混若實係營工商業者審判權只能讓與如遇詞訟應各照自國法律辦理彼如

欲要求會審則萬不能允許究應如何辦理之處敬請裁酌電覆以憑飭令遵辦昭常東二月初一日韓民越聲

黑撫周樹模致外部奉旨會勘中俄邊界當妥慎辦理電

卅日電祇悉奉旨會勘中俄邊界敬謹欽遵查此段界務俄人欲望頗奢多方狡展難以理喻歷次勘界會議錄迭經咨呈在案所有額爾古納河一帶上年業經會勘此刻陸路亦將勘竣一俟大部與俄使訂明會議地方後自當妥慎辦理隨時電請指示俾有遵循樹模

二月初三日中俄界務檄

黑撫周樹模致外部勘界俄員難以理喻應否暫緩立案電

清宣統朝外交史料卷十九 一五

頃據呼倫宋道小渡電稱勘界事職道前與俄員校對水陸界圖該俄員於案外另生枝節暨會勘時妄指天生石巖爲舊鄂博各情均經分別稟告嗣後與俄員連日會勘彼此互指界點十二處已勘十一處祇贖我指塔奔托羅海一處該俄員又於會勘時行至中途停車不前聲稱已到前換指界圖里數不能再往遽爾折回等情亦經呈報查前次所換本屬指界圖現在彼此所勘實地與所換地圖中俄兩國均有出入前皆逐一會勘兩國委員並未因此挑剔此次該俄員忽故意爲難職道乃一意和平回滿後仍與俄員會商立案詎連日磋商僅所勘彼此互指額爾德尼托羅海二鄂博商定立案其餘各處該俄員有意破壞所言與所勘實在情形迥異實難遷就現在中俄兩國正值蒙古

問題激烈之時該俄員日來往往狡執顯露恃強要挾之意塔奔托羅海彼忽中途折回不肯往勘而彼所換與職道之指界圖距離里數如索克圖塔奔托羅海亦均有不符職道當謂前次會勘並無此說今既有此問題即應將中俄兩國所指鄂博照前換指界圖將里數逐一測量該俄員執意不肯嗣後連日與該俄員商立各案總期和平了結該俄員愈爲強硬實難理喻如一味遷就則失利甚多持之過堅當此時事又恐以一隅影響大局職道處此萬難窮於應付二十日該俄員面商回家過節問其回滿之期則含混其詞窺其用意必將經過報其總督商請辦法其回滿與否實不可知將來更不知如何要挾此事外間既難商定立案可否請咨外務部商明俄使令兩國委員即各將所

清宣統朝外交史料卷十九 一六

勘情形各報長官鑒核勿庸勉強立案以免兩相爭持致生誤會緩此一步於界務無損於時局或可少生枝節等語查該道所稟各節自屬實情此刻俄會勘大員尙未派定應請先將此項情形酌商俄使轉飭俄員遵照接續勘竣一併立案俟俄派定大員後以憑會核抑或先行勘竣各將所勘情形呈報暫緩立案之處統希鈞裁樹模江

二月初四日中俄界務檄

駐澳洲唐領事呈外部丞參日委員來澳謂滿洲招墾

實屬謬妄函

敬稟者竊近有日本東京商務委員名謀瀾謁治別加夏希來此寓西洋旅店拜見澳洲官商爲查察工業商務自稱奉關東日政府命令滿洲地廣人稀擬招徠殖民開墾考查澳洲如何殖民效此辦法云本洲

紳商有熱心中國者詰以滿洲向爲中國領土焉得出此謬妄之言現派本洲暗查出入尾之疑其另有別情本洲聯邦政府議設少年徵兵新例自西正月一號起凡十四歲至十七歲者限於正月內報名投入兵籍教操兵法以盡報効義務由十四歲至二十六歲爲止本洲聯邦政府禁煙新例自六年前禁除鴉片每年免收煙稅金錢六十千磅近年私煙入口仍屬不少現議嚴例凡有人私藏鴉片一經查出案情輕重須處以三月以上二年以下禁錮不准罰款贖罪經十一月二十三號日英國駐澳洲總督簽押澳洲北方領土向屬南澳省自西正月一號改歸聯邦政府管轄地方官一切政務劃歸聯邦政府經營辦理其交通職務各項須次第開辦已在美利濱增設北方領土一部凡前在該

清宣統朝外交史料卷十九 一七

地方官吏調歸該部差遣以資熟手細查該處領土係屬熱帶地闊人少與亞洲相近預防日後黃種人潛移入境之患以上各情乞代回堂憲爲叩二月初五日雜項檔

外部司員富士英管尙平呈外部承參查報塔城中俄

通商利弊稟附清摺二件

敬稟者竊士英等於去臘初十日抵伊犁時當發一電二十日又發一稟計已俱蒙鈞察在伊調查事畢回古子溝業已封山仍假道俄臺於二十二日起程赴塔詎行至薩瑪爾地方被俄官多方留難不得已折回改由華道赴塔須涉古子溝老蜂口兩險古子溝尙可衝雪而過老蜂口萬難行走爰由廣將軍電致塔城忠大臣請其派承辦之員由馬

道赴庫爾喀喇烏蘇而令士英等即在烏蘇接洽士英等旋於臘月二十八日由伊起身除夕過古子溝步行一夜如不趕過又恐被大雪封在山中一路冰山共計翻車七次幸人不在車中尙無受損情事昨晚抵烏蘇忠大臣所派印務章京巴君今日亦到彼此商酌事畢巴君即於明日回塔士英等不再赴塔亦即於明日向新省進發矣查忠大臣所具節略共計兩份一係塔屬一係阿屬俱極詳細茲謹附呈伏乞代回堂憲爲叩阿屬前曾有節略咨部茲更將前次略而未備者另行報告塔屬尙未咨部此次節略亦已大端畢具而最要問題實爲設置稅關議訂稅則二事塔城進出口貨物與伊犁相同自可併議不再贅述設關一事即如士英等伊犁報告所陳塔屬總以巴克圖卡倫爲宜阿

清宣統朝外交史料卷十九 一八

屬總以濟木乃卡倫爲宜忠大臣阿屬節略內所云吉木乃哈巴河即濟木乃也濟木乃一地歷任阿哈兩大臣屢欲爭爲已有迄未定議此次忠辦事大臣額爾泰參贊大臣兩大臣擬爲議妥歸阿歸塔未定之前約中宜參活筆設領一層俄使屢次向部要求擬改科布多爲承化寺誠以承化寺地方極爲繁盛較之在科布多貿易更爲有望且係接近邊界洋貨入口益形便捷故彼久已垂涎忠大臣節略內亦以勿許爲宜茲謹引申其意而重言之再忠大臣阿屬節略內所云諸果依即塔屬節略內所云瑯朶夷亦即伊犁將軍說帖內所云腦蓋夷是也富士英管尙平謹稟二月十三日中俄議約檔

謹將查明塔城中俄通商利弊大概情形開具十條以備察奪

一、中俄陸路通商以來溯自光緒初元時俄人在塔貿易者僅三四十家迄今商務日增洋行林立其運入腹地銷售各貨向由塔城中俄通商局照約填發護照每年運銷新疆南北兩路各色洋貨估價值俄銀二三十萬不等在塔坐銷者約數百萬其運往伊犁科布多暨塔屬蒙哈各游牧內銷售者亦十之七八華商無可抵制種種喫虧別無挽回商權之法若非乘此改訂約章明定稅則實屬莫塞漏卮此俄人商業勃興中國利源外溢之情形也

一、查光緒七年改訂約章約內載俄商由某卡入境前往某處貿易設立領事駐紮地段指分貿易圈並給予牧放草場葬墳處所中官妥爲照料睦鄰優待無以復加塔城貿易圈原在漢城北梁定有丈

清宣統朝外交史料卷十九 一九

尺今則逐年侵越漸至西門外龍王廟後均已建築牆屋栽植樹株得步進步莫可究詰此俄人違約罔利狡謀佔地之情形也

一、華商前往俄國貿易約內籠統記載並未明列專條既未設有領事亦無管商頭目遇有交涉事件任憑俄例處理即約會俄官辯論亦難執約而爭即如光緒二十八年塔城廳駱丞任內有俄商索柏列夫承買全廠房屋計價銀二千二百餘兩久欠未交歷經塔城廳各前任與駐塔前後各領事索格福魯吃車等面質追索初允變賣清還嗣乃任意拖延仍屬畫餅嗣後迭向其理論催繳乃指哈密纏商納烏什札特欠款作抵終屬子虛若華民欠有俄款則向地方官嚴行追取百端要挾令人難堪此華商受累華官棘手之情形也

一、中俄商民銀錢往來自光緒十六年起紙幣互相交易以俄帖換華帖每兩由俄帖加水四五錢俄商頗重視華帖至二十八年以迄近年俄帖洋元漸轉昂貴以華帖換俄帖每兩反有華帖加水七八錢中屬蒙哈纏回亦爭用俄帖華商買賣窒礙諸多且洋貨到哈銷售俄商多接華帖所購華貨甚少華帖任意儲存即如本年俄商熟木棧存有華帖八九千兩向地方官成臺換銀因加水辯論未克及時辦妥即電達中國長官索兌銀兩圖佔便宜嗣經前任屢與領事磋商始允以俄帖抵兌刻又加換數千挾制無已此華商銀色失利近日買賣之受虧情形也

一、塔城毘連俄境中俄哈薩克種類混淆任意出入境內無可限制

清宣統朝外交史料卷十九 二〇

哈薩殘酷性成每以竊掠爲生塔屬明火搶殺案件層見迭出地方良善不得安居即如上年馱戶馬老六小馬在高家墩被劫之案支解二命慘不忍聞嗣經查明原係中俄哈薩夥同攔搶中哈塔亦克等三犯業已獲案訊取確供羈禁待質其俄哈正犯都特拜克乃生恰克里克屢經照會駐塔俄領事行文緝捕迄今未據送交此案久懸未結嗣後俄屬賊哈規殺華民或與中屬哈薩同犯重案幾至莫可究詰若非早定嚴辦專條莫就範圍此邊境賊風日熾地方受害無窮之情形也

一、新省茶引國課尤爲商務要政嚴禁私販部有明文自光緒三十二年俄人覬覦其利販運茶觔始以假道爲辭由中俄交界之葦塘

子倒灌入境經伊犁將軍長塔城參贊大臣札奏定立約有案雖准假道然必報明中國官照數先交押款由中俄通商局發給護照註明茶數並出境日期載有不准沿途酒賣字樣一俟原茶出境然後退還押款如茶數不敷即將押款扣留其條款極為周密近來俄商運茶入境不獨不交押款且不知會中官無從知其數目其已經中官查知者則藉詞假道任意填註數目敷衍出境其實私銷不知凡幾矣即在貿易圈內各俄商號鋪隨處堆積茶塊彰明售賣固理論勢禁之俱窮此俄人販茶違約明奪利權之實在情形也

一、新省抽納洋稅原有十年之約俟俄商貿易興盛准與議約抽收今則已逾二十年矣俄商貿易亦極暢旺每年如塔城一隅不下數

清宣統朝外交史料卷十九 二一

百萬兩昔年許其享我利益者在我重在睦鄰今則獨攬利權在彼殊失交誼查中屬繙商與俄屬之朵璫夷原係同類交相賄賂誘取俄符販運各貨分赴各處貿易致使中官莫敢過問甚有假託俄商者有時經中官查明俄官且反多方袒護或稱為俄屬璫朵夷僱工或稱為璫朵夷親戚通同包庇罔我稅權若不趁時換約議收洋稅不但利權外溢此弊且伊於胡底此俄人包庇奸商妨我稅課之情形也

一、俄人牧放牲畜約章祇給與空曠之地一塊細繹一塊云者蓋有限之謂且是給與貿易圈內之俄商並非泛指凡俄之民而言也今塔屬南湖地方俄哈氈房約三百餘頂牛羊駝馬以十數萬計禁之

不去麾之旋來誠為邊要一大關緊查俄國收我中國歇山之稅每年不下萬金今俄哈盤據中土牧放牲畜聚族而居亦應照俄章收稅使之就我範圍否則年久月深彼將視為固有此牧政利權漸失中俄界限必爭之情形也

一、塔城東北之察罕鄂博為俄國屬地該處俄設卡倫派兵駐紮其稽查極為嚴密查該處係我中屬阿塔兩城官商蒙哈人等往來必由之大道即我塔城所屬之吐爾扈特親王部落駐紮阿城鄰近遇有緊要公文及伊等赴塔往來諸多不便此官商人等往來不便之情形也

一、塔城參贊所轄地方應設收驗俄商出入貨物稅關者其地方有

清宣統朝外交史料卷十九 二二

二一在新設巴克圖卡倫該卡倫距城六十餘里地當孔道凡中俄陸路商人等必由之路一在附近貿易圈傍漢城西邊綽克楚河岸龍王廟左右若能在巴克圖綽克楚河岸龍王廟左右實行設立收驗稅關處所其俄商出入貨物絲毫不能走漏此設立稅卡地段挽回利權之情形也

謹將阿爾泰應行調查各節遵就管見所及擇其最要未曾詳對者九條開具節略用備採擇

一、俄屬諾果依在阿營各蒙哈游牧零星貿易不過二十餘人毋庸議設領事有領事則必索貿易圈地段塔城俄商貿易圈緊迫漢城一舉一動在彼如策藏鈴況阿營係照軍營體制一切尤宜慎密塔

城可爲殷鑒議換約章時彼若請設阿爾泰領事官及要素貿易圈地段望勿許可此其一

一、阿拉克別克河本屬華境俄人強行侵佔前科布多參贊大臣瑞洵迭經辯駁俄人妄指河汊爲阿拉克別克河互相爭執前任大臣錫恒到任以來俄人終未提及邊界攸關未便再涉遷就應請與俄使磋商以清界務此其二

一、俄人越界種地馬呢圖噶圖勒幹卡倫官兵莫奈何不得已移會俄官勸明委在中屬界內始則請展期限俟收穫後即行出境繼則以該俄官係邊界微員無此權力爲詞展轉遷延止之不能驅之不去邊民無知日久倘或生事俄官必多方袒護定約時務與俄使

清宣統朝外交史料卷十九 二三

磋商請飭俄屬邊界官員即將比年越界種地之俄人悉數收回毋庸再蹈前轍以清界務此其三

一、俄商在阿屬各蒙古游牧擅搭土房囤存貨物帳目去來自便並無定蹤萬一一旦失和則彼族必以失去貨物帳目若干爲詞說索賠償何所不至應請與俄使從長磋商務將俄商諾果依在蒙古各游牧所搭土房一律拆毀以清界務而重商政此其四

一、俄商運貨在各游牧發賣並無釐稅而中商赴俄境販運貨物及買賣牲畜亦不得抽收釐稅中俄本屬友邦未便歧視應請與俄使磋商以重商政此其五

一、俄商入華境貿易再不得夾帶華茶華貨任意酒賣致防華商生

計應請與俄使磋商以重商政此其六

一、將來阿屬設關西北路應在吉乃木哈巴河一帶適中要隘東路冬春兩季應在沙紫蓋夏秋兩季應在烏西嶺酌設分卡他處與俄境毗連頭頭是道應請與俄使磋商均不准擅行出入以重稅務此其七

一、俄人入華境並不呈驗護照擅行往來且往往單身行走貪取便捷小道華官無從稽查或已自回國或被野獸及風雪所傷遂指爲被華民所害前者俄屬諾果依阿布都恰得爾迷路無著一案迭次派員毫無影響並經與俄領事會詢數次原告哈三所呈字樣竟屬子虛俄領事亦自知理屈乃爾拖累數年大費唇舌索償動以萬計

清宣統朝外交史料卷十九 二四

其同行之要證荒古斯等始終抗不到案又欲調塔調烏往返數千里實強邊民所難現雖照回禮議結原係委曲求全所慮援此爲例將來更難辦理而中民被俄人戕斃者非只一案且已由俄官驗明屬實比年未了一案中民太覺偏枯人情向背之機所關匪細應請與俄使磋商以肅邊務此其八

一、中俄邊民互相偷盜習以爲常中民赴俄境偷盜牲畜亦所不免而俄人往往持械越境劫掠中民恐肇交涉啞口退讓邊民殊不聊生應請與俄使磋商此後兩國邊卡官員各嚴約束勿再越境滋事用篤邦交者此其九其餘詳情已由阿營繕具說帖呈部合併聲明
東督錫良致外部勘界事俄派全權大員與體制不符